



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De regia via sancta Crucis. XII

[urn:nbn:de:hbz:466:1-45790](#)

358. DE IMITATIONE CHRISTI
rit homo omnem substantiam suam, adhuc nihil est. Etsi fecerit pœnitentiam magnam, adhuc exiguum est: Et si apprehenderit omnem scientiam, adhuc longè est. Et si habuerit virtutem mag-

Matth. 16. gnam; & deuotionem nimis ardenter, adhuc multum sibi deficit: scilicet unum, quod summe sibi necessarium est. Quid illud? Vi-

Luce 17. omnibus relictis se relinquat, & à se totaliter exeat, nihilque de priuato amore retineat; cumque omnia fecerit, quæ facienda nouerit, nil se fecisse sentiat.

3. Non grande ponderet, quod grande aestimari possit, sed in veritate seruum inutilem se pronunciet, sicut veritas ait: *Cum servis omnia, qua precepta sunt vobis, dicite, servi inutiles sumus.* Tunc verè pauper & nudus spiritu esse poterit, & cum Prophetæ dicere. *Quia unicus & pauper sum ego.* Nemo tamen isto ditione, nemo potentior, nemo liberior, qui se & omnia relinquere scit, & ad infimum se ponere.

C A P V T XII.

De regia via sanctæ crucis.

Matth. 16. 1. **D**urus multis videtur hic sermo: Abnega temetipsum, tolle crucem tuam, & sequere Iesum. Sed multo durius erit au-

Matth. 25. dire illud extremum verbum: *Discedite à me maledicti in ignem eternum.*

Psalm. 111. Qui enim modò libenter audiunt, & sequuntur verbū crucis, tunc non timebunt ab auditione aeternæ damnationis. Hoc signum crucis erit in cælo, cum Dominus ad iudicandum venerit. Tunc omnes servi crucis, qui se crucifixo conformauerunt in vita, accendent ad Christum iudicem cum magna fiducia.

2. *Quid igitur times tollere crucem, per quam itur ad regnum?* In cruce salus, in cruce vita, in cruce protectio ab hostibus: in cruce infusio supernæ suavitatis, in cruce robur mentis, in cruce gaudium spiritus: in cruce summa virtutis, in cruce perfectio sanctitatis. Non est salus animæ, nec spes aeternæ vitæ, nisi in cruce. Tolle ergo crucem tuam, & sequere Iesum, & ibis in vitam aeternam. Præcessit ille baiulans sibi crucem, & mortuus est pro te in cruce: ut & tu tuam portes crucem, & mori affectes in cruce. *Quia si commortuus fueris, etiam cum illo pariter viues.* Et si socius fueris pœnae, eris & gloria.

3. *Eccē in cruce totum constat, & in moriendo totum iacet: & non est alia via ad vitam, & ad veram internam pacem, nisi via sanctæ crucis & quotidiane mortificationis.* Ambula ubi vis, quare quodcumque volueris, & non inuenies altiorem viam superiore, nec securiorem viam infra, nisi viam sanctæ crucis. Dispone & ordina omnia secundum tuum yelle & videre, & non inuenies nisi

Luce 14.

Iean. 19.

2. Cor. 11.

si semper aliquid patidebere, aut sponte aut inuitè, & ita crucem semper inuenies? Aut etiam in corpore dolorem senties, aut in anima spiritus tribulationem sustinebis.

4. Interdum à Deo relinquérис, interdum à proximo exercitaberis, & quod amplius est, sàpē tibimetipſi gratiis eris, nec tamē aliquo remedio vel solatio liberari seu alleuiari poteris, sed donec Deus voluerit, oportet ut sustineas. Vult enim Deus, ut tribulationem sine cōsolatione pati discas, & ut illi totaliter te subjicias, & humilior ex tribulatione fias. Nemo ita cordialiter sentit passionē Christi, sicut is, cui cōtigerit similia pati. Crux ergo semper parata est, & vbiique te expectat. Nō potes effugere, quocumque cucurris; quia quocunque iueris, teipsum tecum portas, & semper teipsum inuenies. Conuerte te supra, conuerte te infrā, conuerte te extrā, conuertete intrā, & in his omnibus inuenies crucem: & necesse est te vbiique tenere patientiam, si internam vis habere pacem, & perpetuam promererri coronam.

5. Si libenter crucem portas, portabit te, & ducet te ad desideratum finem; vbi scilicet finis patiënti erit, quamvis hic nō erit. Si inuitè portas, onus tibi facis, & teipsum magis grauas: & tamen oportet, ut sustineas. Si abiūcis vnam crucem, aliam procul dubio inuenies, & forsitan grauiores.

6. Credis tu euadere, quod nullus mortalium pottuit præterire? Quis sanctorum in mundo sine cruce & tribulatione fuit? Nec enim Iesus Christus Dominus noster, vna hora sine dolore passus fuit, quādiu vixit. Oportebat, ait, *Christum pati, & resurgere Luca 24.* à mortuis, & ita intrare in gloriam suam. Et quomodo tū aliam viam quæris, quām hanc regiam, quā est via sanctae crucis? Tota *Iob 7.* vita Christi crux fuit & martyrium, & tu tibi quæris requiem & gaudium.

7. Erras erras, si aliud quæris, quām pati tribulationes: quia tota vita ista mortalis plena est miserijs, & circumscripta crucibus. *2. Cor. 11.* Et quanto altius quis in spiritu profecerit, tanto grauiores sàpē & *12.* cruces inuenit, quia exilijs sui poena magis ex amore crescit. Sed tamen iste sic multipliciter afflictus, non est sine leuamine consolationis, quia fructum maximum sibi sentit accrescere, ex sufferentia suæ crucis.

8. Nam dum sponte se illi subiicit, omne onus tribulationis in fiduciam diuinæ consolationis conuertitur: Et quanto caro magis per afflictionem atteritur, tanto spiritus amplius per internam gratiam robatur. Et nonnunquam in tantum confortatur ex affectu tribulationis & aduersitatis, ob amorem conformatitatis crucis Christi, ut sc̄ sine dolore & tribulatione esse non

360 DE IMITATIONE CHRISTI

vellet; quoniam tanto se acceptiorem Deo credit, quanto plura & grauiora pro eo perfserre potuerit. Non est istud hominis virtus, sed gratia Christi, quæ tāta potest & agit in carne fragili; vi quod naturaliter semper abhorret & fugit, hoc feroce spiritu aggrediatur & diligit.

9. Non est secundum hominem crucem portare, crucem amare: corpus castigare, & seruituti subiucere: honores fugere, contumelias libenter sustinere: seipsum despicere, & despici optare: aduersa quæque cum dannis perpeti, & nihil prosperitatis in hoc mundo desiderare. Si ad te ipsum respicias, nihil huiusmodi ex te poteris. Sed si in Domino cōfidis, dabitur tibi fortitudo de calo, & subiicientur ditioni tua mundus & caro. Sed nec inimicum diabolum timebis, si fueris fide armatus, & cruce Christi signatus.

10. Pone te ergo sicut bonus & fidelis seruus Christi, ad portam viriliter crucem Domini tui pro te ex amore crucifixi. Prepara te ad toleranda multa aduersa & varia incomoda, in hac misera vita; quia sic tecum erit, ubique fueris: & sic reuera inuenies ubique latueris. Oportet ita esse, & non est remedium evadendi à tribulatione malorum & dolore, quam ut te patiaris,

Matth. 20. Galat. 20. & Iean. 13. Calicem Domini affectanter bibe, si amicus eius esse, & partem cum eo habere desideras. Consolations Deo committe; faciat ipse cum talibus, sicut sibi magis placuerit. Tu vero pone te ad sustinendum tribulations, & reputa eas maximas consolations. Quia non sunt condignæ passiones huius temporis, ad futuram gloriam promerendam, etiam si solus omnes posses sustinere.

Roman. 8. Galat. 6. 11. Quando ad hoc veneris, quod tribulatio tibi dulcis est, & sapit pro Christo, tunc bene tecum esse aestima, quia inuenisti paradisum in terra. Quamdiu pati graue tibi est, & fugere queris: tamdiu male habebis, & sequetur te ubique fuga tribulationis.

3. Cor. 12. 4. Att. 9. Actor. 1. 12. Si ponis te, ad quod esse debes, videlicet ad patiendum & moriendum, fiet citio melius, & pacem inuenies. Etiam si raptus fueris usque ad tertium cælum cum Paulo, non es propterea securatus de nullo contrario patiendo. Ego (inquit Iesus) ostendam illi, quanta oporteat cum proximo meo pati. Pati ergo tibi remanet, si Iesum diligere & perpetuo illi seruire placet.

13. Utinam dignus essem, aliquid pro nomine Iesu pati: quam magna gloria remaneret tibi: quanta exultatio omnibus sanctis Dei: quanta quoque ædificatio esset proximi? Nam patientia omnes recommendant, quamuis tamen pauci pati velint. Merito deberes libenter modicum pati pro Christo, cum multi grauiora patiantur pro mundo.

14. Scias



14. Scias pro certo, quia morientem te oportet ducere vitam. *Psalm. 43.*
 Et quanto quisque plus sibi moritur, tanto magis Deo viuere incipit. Nemo aptus est ad comprehendendum cælestia nisi se submiserit ad portandum pro Christo aduersa. Nihil Deo acceptius, nihil tibi salubrius in mundo isto, quam libenter pati pro Christo. Etsi eligendum tibi esset, magis optare deberes pro Christo aduersa pati, quam multis consolationibus recreari; quia Christi similior essemus, & omnibus sanctis conformior. Non enim stat meritum nostrum & profectus status nostri, in multis suavitatibus & consolationibus; sed potius in magnis grauitatibus, & tribulationibus perferendis.

15. Si quidem aliquid melius & utilius saluti hominum, quam pati fuisset; Christus utique verbo & exemplo ostendisset. Nam & sequentes se discipulos, omnesque eum sequi cupientes, manifeste ad crucem portandam hortatur, & dicit: *Si quis vult venire post me, abneget semetipsum, & tollat crucem suam, & sequatur me.* Omnis ergo perfectis & scrutatis, sit haec conclusio finalis. *Quoniam per multas tribulationes, oportet nos intrare in regnum Dei.* *Aet. 14.*

LIBER TERTIVS.

De interna consolatione.

CAPITA LIBRI TERTII.

D <small>e</small> interna Christi loquitione ad animam fidelem.	Cap. I
Quod veritas intus loquitur sine strepitu verborum.	II
Quod verba Dei cum humilitate sunt audienda, & quod multi ea non ponderant.	III
Item: Oratio ad implorandam deuotionis gratiam.	
Quod in veritate & humilitate coram Deo conuersandum est.	IV
De mirabili effectu diuini amoris.	V
De probatione veri amatoris.	VI
De occultanda gratia, sub humilitatis custodia.	VII
De vili estimatione sui ipsius in oculis Dei.	VIII
Quod omnia ad Deum, sicut ad finem ultimum, sint referenda.	IX
Quod spreto mundo, dulce est seruire Deo.	X
Quod desideria cordis examinanda sunt & moderanda.	XI
De informatione patientie & luctamine aduersus concupiscentias.	XII
De obedientia humilis subditi, ad exemplum Iesu Christi.	XIII
De occultis Dei iudiciis considerandis, ne extollamur in bonis.	XIV
Qualiter standum sit ac dicendum in omnibus desiderabili.	XV
Item	